

Paulus navigavit in Syriam (& cum eo Priscilla & Aquila) qui sibi totonderat in Cenchris caput, habebat enim votum: devenitque

Ephesum, & ibi illos reliquit: ipse vero ingressus Synagogam disputabat cum Iudæis, rogantibusque ut apud se aliquantum maneret, se rediturum promisit.... Profectus ab Epheso descendit

Cæsaream (Pæstinæ) & salutavit

Ecclesiam (Ierolymitanam,) & descendit

Antiochiam (Syriæ,) & factò ibi aliquanto tempore, profectus est, perambulans ex ordine

Galaticam regionem, &

Phrygiam, confirmans omnes Discipulos.

Act. c. 18. vers. 18.... 23.

Redit Ephesum, & per biennium in Asia prædicat.

XXXVIII. A. C. 54. Paulus peragratis superioribus partibus (Galatiæ, Phrygiæ, &c.) venit Ephesum: & invenit quosdam Discipulos in Ioannis baptis-
mate tantum baptizatos: & qui si Spiritus Sanctus esset nec dum audierant.... hos ergo baptizari iussit in Nomine Iesu, & cum illis imposuisset manus. venit Spiritus Sanctus super eos. Et introgressus Synagogam cum fiducia, loquebatur per tres menses quotidie disputans in schola Tyranni cuiusdam, & suadens de regno Dei. Hoc autem factum est per biennium: ita ut omnes, qui habitabant in Asia, audirent Verbum Dei, Iudæi atque Gentiles, virtutesque faciebat Deus per manum Pauli: ita ut etiam super languidos deferrentur à corpore ejus sudaria, & semicinctia: & recedebant ab eis languores, & spiritus nequam egrediebantur.... Demetrius autem quidam argentarius, faciens ædes argenteas Dianæ, præstabat artificibus non modicum quæstum; illos hic (quod Paulus omnes averteret a Diis manibus hominum factis) artifices in Paulum concitavit, sed quem, in populum intrare volentem, non permiserunt Discipuli: eorumque seditionem Alexander, qui ex primoribus civitatis erat, vix sedavit. Act. 19. toto capite.

Paulus proficiscitur in Macedoniam & Græciam.

XXXIX. Postquam cessavit tumultus, Paulus, vocatis Discipulis, exhortatus eos, valedixit & profectus est, ut iret in Macedoniam: & cum perambulasset partes illas, & exhortatus illas fuisset.... venit in Græciam, ubi cum fecisset menses tres, factæ sunt illi insidiæ à Iudæis navigaturo in Syriam: habuitque consilium ut reverteretur per Macedoniam. Act. c. 20. vers. 1... 3. & comitatus est eum Sopater Pyrrhi Berceensis, Thessalonicensium vero Aristarchus, & Secundus, & Gajus Derbeus, & Timotheus; Asiani vero Tichycus, & Trophimus. Hi cum præcessissent sustinuerunt nos Troade. Nos vero (Paulus & Lucas) navigavimus post dies Azymorum, à

Philippis, & venimus ad eos

XL. Troadem in diebus quinque, ubi demo-

rati sumus diebus septem.... vers. 4. 5. 6. Una autem Sabbati, cum Paulus profecturus in crastinum, protraxisset sermonem usque in mediam noctem, Eutychius adolescens sedens super fenestram, somnomersus, cecidit de tertio cœnaculo deorsum, & sub-latus est mortuus. Ad quem cum descendisset Paulus, incubuit super eum, & complexus dixit: Nolite timere, anima enim in ipso est, & adduxerunt puerum viventem, & consolati sunt. Nos autem ascendentes navem navigavimus in Asson, inde suscepturi Paulum: sic enim disposuerat ipse per terram iter facturus. Act. c. 20. vers. 7... 13. Cum autem convenisset nos in

Asson, assumpto eo, venimus

Mitilenem, & inde navigantes, sequenti die venimus contra

Chium, & aliâ die applicuimus

Samum, & sequenti die venimus

Miletum; proposuerat enim Paulus trans-navigare Ephesum, ne qua mora illi fieret XLI. in Asia.... festinabat enim, si possibile esset, ut diem Pentecostes faceret Ierolymis. A Mileto mittens Ephesum, vocavit majores natu Ecclesiæ, eosque hortatur, ut vigila-rent ad Ecclesiam regendam; prædicitque sibi vincula, & tribulationes parari Ierolymis: eosque non amplius viuros se. Act. c. 20. vers. 14.... 38. Cum autem factum esset, ut navigaremus, recto cursu venimus

Coum, & sequenti die

Rhodum, & inde

Patara: & cum invenissemus navem trans-fretantem in Phœnicem, ascendentes navigavimus, cum apparuissemus Cypro, relinquentes eam ad sinistram, navigavimus in Syriam, & venimus

Tyrum: ibi enim navis expositura erat onus, & inventis Discipulis, mansimus ibi diebus septem. A Tyro descendimus

Ptolemaidem: & salutatis fratribus, man- XLII. simus die una apud illos: & alia die profecti venimus

Cæsaream, & intrantes domum Philippi Evangelistæ, qui erat unus de septem, mansimus apud eum: huic erant quatuor filiæ virgines prophetantes. Act. c. 21. vers. 1... 9. & cum moraremur per dies aliquot, supervenit à Iudæa Agabus Propheta, is cum venisset ad nos, tulit zonam Pauli: & alligans sibi pedes, & manus, dixit: hæc dicit Spiritus Sanctus: Virum, cujus est zona hæc, sic alligabunt in Ierusalem Iudæi, & tradent in manus Gentium. Quod cum audissemus, rogabamus Paulum ne ascenderet Ierolymam. Respondit Paulus se paratum esse, non solum alligari, sed & mori, propter Nomen Domini Iesu. Quievimus dicentes: Domini voluntas fiat. Act. c. 21. vers. 10... 14. ascendimus ergo

Ierolymam: ubi libenter exceperunt nos fratres, & sequenti die introibat Paulus nobiscum ad Iacobum, omnesque collecti sunt Seniores: quos cum salutasset, narrabat quæ Deus fecisset in Gentibus, & ipsi vicissim de iis, qui inter Iudæos crediderunt.... persuadentque ipsi, ut cum quatuor aliis votum ha-